

TABULA 441.

LORANTHUS BICOLOR.

HEXANDRIA MONOGYNIA.

CHAR: ESSENT: *Cal.* o. s. margo brevis, concavus. *Cor.* 6-fida; revoluta, inferne agglutinata: laciniis lineari-spathulatis. *Stam.* ad apices petalorum. *Bacca* infera, 1-sperma, umbilicata s. *Cal.* coronata. (Frutices parasitici. *Cor.* etiam 5-6-7-fida. *Stam.* 4-5.)

LORANTHUS *bicolor*: *Roxb. Corom.* Tom. II. fasc. 2. p. 20. *YELING*
WADINCKA Telengens (Wadinika means parasitica).
Habitat in India orientali. ♀.

CAULIS vix ullus.

RAMI plurimi, adscendentes, lignosi; *cortex* griseus.

FOLIA opposita, sessilia aut brevissime petiolata: interiora ovalia, oblonga aut lanceolata; superiora lineari-lanceolata, undulata, integra, reclinata, obsolete venosa, tres ad quinque uncias longa, et dimidiam lata.

RACEMI axillares, solitarii, simplices, erecti, floribundi.

FLORES forma et habitu Lonicerae similes.

BRACTEA angusta, concava, rigida, arcte basi germinis adpressa.

CALYX: *Perianthium* bractea modo descripta mentitur, ad modum calycis persistens.

COROLLA monopetala, tubus longus parum curvatus, a basi ad tertiam usque versus limbum partem inflatus, demum parum denuo contractus; ore quinquefido, lacinia suprema maxima, reliquis linearibus reflexis.

STAMINA, *filamenta* quinque, a basi ad corollae laciniis assurgentia, erecta. *Antherae* lineares.

PISTILLUM: *Germen* nudum. *Stylus* longitudine corollae. *Stigma* capitatum.

PERICARPIUM: *Bacca* calyce persistenti infra tectae, oblongae, glabrae, pulposae, uniloculares.

SEMEN unicum includentes.

Ramulus naturali magnitudine.

1. Corolla dissecta cum staminibus in situ.
2. Pistillum.
3. Bacca matura.
4. Idem dissecta.